

**განცხადება წლიურ საგრანტო პროგრამაზე**  
**094-3006-003-S-2019**

**პროექტი ზრდა საქართველოში (USAID/Zrda)**

გამოქვეყნების თარიღი: 1 ნოემბერი, 2019

განცხადების წარმოდგენის ბოლო ვადა: 30 ოქტომბერი, 2020

**შენიშვნა:** იმ შემთხვევაში, თუ ამოიწურება კონკრეტული საგრანტო კონკურსისათვის გამოყოფილი თანხა, ზრდა აღარ დააფინანსებს განცხადებს, შესაბამისად განაცხადის წარმოდგენის ბოლო ვადის თარიღიც შეიცვლება.

პატივცემულო განმცხადებელო:

USAID-ის პროექტი ზრდა საქართველოში, რომელსაც ახორციელებს ქემონიქს ინტერნეიშენალი, აქვეყნებს საგრანტო კონკურსს ხილისა და ბოსტნეულის მცირე მოცულობის სამაცივრე მეურნეობების განვითარების მიზნით ქვემო ქართლის, შიდა ქართლის, სამეგრელო ზემო სვანეთის, სამცხე-ჯავახეთის, მცხეთა-მთიანეთის და კახეთის რეგიონების სამიზნე თემებში. (იხ.დანართი ბ – პროექტი Zrda-ს სამიზნე თემების/სოფლების ჩამონათვალი). პროექტი ითვალისწინებს ხილისა და ბოსტნეულის მცირე მოცულობის 15-მდე სამაცივრე მეურნეობის მოწყობას.

პროექტში მონაწილეობის მიღება შეუძლიათ აღნიშნული რეგიონების სამიზნე თემებში მცხოვრებ ფერმერებს, მცირე და საშუალო საწარმოებს, რომელთაც აქვთ სურვილი მოაწყონ ხილისა და ბოსტნეულის შესანახი სამაცივრე მეურნეობა და გაწიონ ფინანსური და არა ფინანსური (მუშა-ხელი) თანამონაწილეობა. (თანამონაწილეობის ფორმატზე იხილეთ დეტალები ქემონიქს); ქვე-გრანტები გაიცემა და განხორციელდება USAID-ის და აშშ მთავრობის იმ მარეგულირებელი ნორმების დაცვით, რომლებიც გამოიყენება ქვე-გრანტების კონტრაქტების დროს და ზრდა პროექტის ქვე-გრანტების გაცემის მართვის პოლიტიკის შესაბამისად.

საგრანტო კონკურსის მიმდინარეობის პერიოდში, რომელიც გაგრძელდება 2020 წლის 30 ოქტომბრამდე, განმცხადებელს ექნება შესაძლებლობა მიიღოს კონსულტაცია საგრანტო განაცხადის შევსებასთან დაკავშირებით ელექტრონულად, ამისათვის განმცხადებელმა უნდა გაუგზავნოს შეკითხვა Zrda-ს გრანტების ჯგუფს ელექტრონულ მისამართზე: [subawards@zrda.ge](mailto:subawards@zrda.ge). პროექტი Zrda გაუწევს დახმარებას განმცხადებლებს განაცხადის წარდგენის პროცესის გათვითცნობიერებაში და ასევე შეუძლია გაუწიოს დახმარება განაცხადის შემუშავების პროცესში, განმცხადებელთა თხოვნის საფუძველზე.

პროექტის განაცხადს თან ახლავს შემდეგი დანართები:

- დანართი ა – საგრანტო განაცხადის ფორმა;
- დანართი ბ – ზრდა პროექტის სამიზნე თემების/სოფლების ჩამონათვალი
- დანართი გ - სერტიფიკატები
- დანართი დ - პოტენციური მომწოდებლების სია

## ნაწილი I. პროგრამის აღწერა

### ა. მიზანი:

*USAID-ის ზრდა პროექტი საქართველოში* აცხადებს საგრანტო კონკურსს და იწვევს ზრდა-ს სამიზნე თემებში არსებულ ფერმერულ მეურნეობებს(მათ შორის ფიზიკურ პირებს), რომელთაც აქვთ საგადასახადო რეგისტრაცია და მცირე და საშუალო საწარმოებს, რათა მათ წარმოადგინონ განაცხადი და დაფინანსების შემთხვევაში მოაწიონ ხილისა და ბოსტნეულის შესანახი მცირე სამაცივრე მეურნეობები.

საქართველოში ფერმერთა დიდი უმრავლესობას, რომლებიც ჩართულნი არიან ხილისა და ბოსტნეულის წარმოებაში აქვთ პრობლემები მოსავლის აღების შემდგომი პროცესების წარმართვაში, რაც ძირითადად უკავშირდება მოყვანილი მოსავლის დასაწყობება - შენახვას. ხშირ შემთხვევაში მოსავლის აღება ემთხვევა პერიოდს (მაგ. ივნისი-სექტემბერი), როდესაც ადგილობრივ ბაზარზე სოფლის მეურნეობის პროდუქტებზე მიწოდება აჭარბებს მოთხოვნას, რაც თავის მხრივ იწვევს ბაზრის გაჯერებასა და ფასების ვარდნას. პროექტი ზრდა გეგმავს ხელი შეუწყოს მცირე სამაცივრე მეურნეობების განვითარებას. აღნიშნული ინიციატივა მისცემს ფერმერებს შესაძლებლობას, რომ გაახანგრძლივონ პროდუქციის შენახვის ვადა და ამ გზით ფერმერებს მიეცეთ შესაძლებლობა ბაზარზე შეიტანონ პროდუქცია მაშინ, როდესაც ფასები მაღალია და შესაბამისად მიიღონ მაქსიმალური სარგებელი.

### ბ. მოკლე მიმოხილვა

*USAID-ის მიერ დაფინანსებული პროექტი ზრდა არის ხუთწლიანი* პროგრამა, რომელსაც ახორციელებს ქემონიქს ინთერნეიშენელი. იგი მიზნად ისახავს ადგილობრივი მოსახლეობის უნარ-ჩვევების, პროდუქტიულობისა და სავაჭრო კავშირების გაძლიერებასა და სუსტი შინამეურნეობებიდან მიკრო, მცირე და საშუალო საწარმოებზე გადასვლას, რათა მათ ხელი შეუწყონ ეკონომიკის სხვადასხვა სფეროების განვითარებას და მიზნობრივი თემებში მდგრადობისა და სტაბილურობის მიღწევას. პროექტი ზრდა გააძლიერებს მიკრო, საშუალო და მცირე საწარმოების განვითარებასა და ზრდას, გაზრდის სოფლის მოსახლეობის შესაძლებლობას მიიღონ შემოსავალი და ხელს შეუწყობს მეწარმეებსა და მყიდველებს შორის საბაზრო ურთიერთობების ჩამოყალიბებას, რაც განამტკიცებს საბაზრო სისტემას. შედეგად, პროექტი ხელს შეუწყობს მიკრო, საშუალო და მცირე საწარმოებში სამუშაო ადგილების შექმნას და გაყიდვების გაზრდას, ხოლო შინამეურნეობებში- შემოსავლის გაზრდას, რაც დაეხმარება სამიზნე თემებში მდგრადობისა და ცხოვრების დონის ზრდას.

## გ. პროგრამის აღწერა

საგრანტო პროექტის კონკურსის საფუძველზე პროექტი ზრდა, შეარჩევს ფერმერებს ზრდა პროექტის სამიზნე თემებიდან, რომლებიც დაინტერესებული არიან ხილისა და ბოსტნეულის მცირე (70-200 მ<sup>3</sup>) სამაცივრე მეურნეობების მოწყობაში. შესაძლებელია, ფერმერმა მოაწყოს 200 მ<sup>3</sup> მეტი მოცულობის სამაცივრე მეურნეობა, თუმცა ზრდა პროექტი სუბსიდირებას გაწევს მხოლოდ 200 მ<sup>3</sup> ფარგლებში. ზრდა სუბსიდირებას გაუწევს შერჩეულ ბენეფიციარს ქვემოთ მითითებული სქემისა და სპეციფიკაციების მიხედვით (გთხოვთ გაითვალისწინოთ, რომ სუბსიდირება ზრდა პროექტის მხრიდან გაიცემა მხოლოდ სამაცივრე მეურნეობების დასრულების შემდეგ):

#	სუბსიდირების პაკეტი	Zrda პროექტის სუბსიდირების ოდენობა 1 მ <sup>3</sup> სამაცივრე მოცულობაზე
1	<p>ხილისა და ბოსტნეულის შესანახი მაცივრის სპეციფიკაციები (შენობის გარეთ):</p> <p>- მაცივრის სამუშაო მოცულობა 70 - 200 მ<sup>3</sup>,</p> <p>ა) კედლები და ჭერი: 100 მმ სისქის პოლიურეთანის კედლის პანელები სიმკვრივე 36-42 მ<sup>3</sup> ფარგლებში, ზედაპირი გალვანიზებული მეტალის სისქე არანაკლებ 0.4მმ.</p> <p>ბ) იატაკი - მოჭიმული ბეტონის იატაკი, თბოიზოლაციის ფენით;</p> <p>მაცივრის აგრეგატი: კომპრესორი, კონდენსატორი</p> <p>გ) გადახურვა: გალვანიზირებული პროფნასტილი</p> <p>დ) მაცივრის კარი თბოიზოლაციის ფენით;</p> <p>ე) სამაცივრე აგრეგატები გათვლილი მაცივრის სამუშაო მოცულობაში 0-4 ცელსიუსი ტემპერატურის უზრუნველსაყოფად: კომპრესორი, კონდენსატორი, ამორქლებელი, მართვის პულტი</p>	130 ლარი
2	<p>ხილისა და ბოსტნეულის შესანახი მაცივრის სპეციფიკაციები (შენობაში)</p> <p>მაცივრის სამუშაო მოცულობა 70 - 200 მ<sup>3</sup>,</p> <p>ა) კედლები და ჭერი: 50 მმ - 80 მმ სისქის პოლიურეთანის კედლის პანელები სიმკვრივე 36-42 მ<sup>3</sup> ფარგლებში.</p> <p>ბ) იატაკი - მოჭიმული ბეტონის იატაკი, თბოიზოლაციის ფენით;</p> <p>გ) მაცივრის კარები თბოიზოლაციის ფენით;</p> <p>დ) სამაცივრე აგრეგატები გათვლილი მაცივრის სამუშაო მოცულობაში 0-4 ცელსიუსი ტემპერატურის უზრუნველსაყოფად: კომპრესორი, კონდენსატორი, ამორქლებელი, მართვის პულტი</p>	100 ლარი

ზრდა პროექტი უზრუნველყოფს ტექნიკურ დახმარებას, კერძოდ, ტრენინგების პროგრამასა და კონსულტაციებს სამაცივრე მეურნეობების ოპერირებასთან დაკავშირებით. ასევე, ზრდა

პროექტი ფერმერებს მიაწვდის ინფორმაციას ავტორიზებული მომწოდებლების შესახებ. ფერმერს ასევე შეუძლია შეიძინოს მასალები სხვა მომწოდებელთან, რომლის შეთანხმებაც ზრდა პროექტთან მოხდება წინასწარ.

შერჩეულმა ბენეფიციარმა სამაცივრე მეურნეობის მშენებლობისათვის საჭირო ფინანსური რესურსისათვის შეუძლია მიმართოს საფინანსო ინსტიტუტებს (კრისტალი, კრედო) ან სხვა საფინანსო ინსტიტუტს, ბენეფიციარის შეხედულებიდან გამომდინარე.

საგრანტო პროექტში შერჩეული ფერმერების პასუხისმგებლობა:

- ფერმერს უნდა ჰქონდეს მიწის ნაკვეთი (საკუთრებაში ან გრძელვადიანი იჯარით) სამაცივრე მეურნეობის მოსაწყობად, რომელსაც ექნება ელექტროენერგიის წყარო და საგზაო ინფრასტრუქტურა;
- წარმოადგინოს მასალების შესყიდვის დამადასტურებელი დოკუმენტები;
- დაფაროს სამაცივრე მეურნეობის ოპერირებასთან დაკავშირებული ყველა საწარმოო ხარჯი.
- ფერმერს ეძლევა 4 თვე ხელშეკრულების ხელმოწერიდან, რათა მან დაასრულოს ხელშეკრულებით გათვალისწინებული სამუშაოები.

USAID-ის ზრდა პროექტი საქართველოში აცნობიერებს, რომ ზოგ პოტენციურ გრანტის მიმღებს შესაძლოა დასჭირდეს დახმარება, რათა უფრო ეფექტიანად განახორციელოს საქმიანობა. შესაბამისად, განმცხადებლებს მოვუწოდებთ დააფიქსირონ საკუთარი საჭიროებები ტექნიკური დახმარების მისაღებად ან ტრენინგის საჭიროება საკუთარ განაცხადებში.

#### **დ. უფლებამოსილება/მოქმედი მარეგულირებელი ნორმები**

ზრდა პროექტის გრანტები შედგენილია აშშ საგარეო საქმეთა შესახებ კანონისა და USAID-ის წინასწარი დირექტივების სისტემის (ADS) საფუძველზე. ორგანიზაციებმა უნდა შეასრულონ ADS თავი 303, საფუძველზე წარმოდგენილი სახელმძღვანელო,

„გრანტები და თანამშრომლობის ხელშეკრულებები არასამთავრობო ორგანიზაციებისთვის“ და დაექვემდებარონ USAID სტანდარტული დებულებები აშშ არასამთავრობო მიმღებებისთვის, ასევე ზრდას გრანტების გაცემის შიდა პროცედურებს.

ADS 303 მიუთითებს დამატებით მარეგულირებელ დოკუმენტს, რომელიც გამოსცა აშშ-ს მთავრობის მენეჯმენტის და ბიუჯეტის განყოფილებამ (OMB) და აშშ საერთაშორისო განვითარების სააგენტომ.

- 2 CFR 200 ერთიანი ადმინისტრაციული მოთხოვნები, თვითღირებულების პრინციპები, და აუდიტური მოთხოვნები ფედერალური კონტრაქტებისთვის, ქვე- ნაწილი E (აშშ აპლიკანტები მთლიანად ექვემდებარებიან 2 CFR 200)

2 CFR 200 სრული ტექსტი იხილეთ

[http://www.ecfr.gov/cgi-bin/text-idx?tpl=/ecfrbrowse/Title02/2cfr200\\_main\\_02.tpl](http://www.ecfr.gov/cgi-bin/text-idx?tpl=/ecfrbrowse/Title02/2cfr200_main_02.tpl)

ზრდა-მ უნდა უზრუნველყოს, რომ ყველა ორგანიზაციამ, რომელიც იღებს USAID საგრანტო სახსრებს, შეასრულოს ზემოთ მითითებული სახელმძღვანელო, რომელიც ვრცელდება მათი გრანტების პირობებსა და დებულებებზე.

USAID იტოვებს უფლებას ნებისმიერ დროს მთლიანად ან ნაწილობრივ შეწყვიტოს, ზრდა პროექტის უფლებამოსილება გრანტების გაცემის ნაწილში.

## II. ინფორმაცია წარდგენის შესახებ

განაცხადები წარდგენა უნდა განხორციელდეს ინგლისურად ან ქართულად.

განაცხადები უნდა იყოს წარმოდგენილი ელექტრონულად და/ან ამობეჭდილი ფორმით *USAID-ის ზრდა პროექტში* ქვემოთმოცემულ მისამართებზე და მინიშნებული უნდა იყოს APS-ის ნომერი **094-3006-003-S-2019**

*USAID-ის ზრდა პროექტი მიიღებს განაცხადებს 2020 წლის 30 ოქტომბრამდე 17:00 საათამდე ადგილობრივი დროით ან სანამ არ ამოიწურება საგრანტო კონკურსისათვის გამოყოფილი თანხა. ამის შემდეგ წარმოდგენილი ან შეუსაბამო განაცხადები არ იქნება განხილული.*

განაცხადების წარდგენა/ჩაბარება შესაძლებელია ელექტრონულად შემდეგ ელექტრონულ ფოსტაზე: [subawards@zrda.ge](mailto:subawards@zrda.ge) და/ან ბეჭდური ფორმით ზრდა პროექტის ოფისებში, შემდეგ მისამართებზე:

- თბილისი, ნინო რამიშვილის პირველი ჩიხი #9,
- ზუგდიდი, რ. ლალიძის ქუჩა #3
- გორი, სტალინის გამზირი #27/1
- ახალციხე, წმინდა დავით და კონსტანტინეს ქუჩა #21ა
- მარნეული, რუსთაველის ქუჩა #48
- ახმეტა, ლესელიძის ქუჩა #36

გარდა განაცხადების ფორმისა, განმცხადებლებმა *USAID-ს ზრდა პროექტში* უნდა წარმოადგინონ შემდეგი:

- მიწის ფლობის დამადასტურებელი დოკუმენტი ასლი (საიჯარო ხელშეკრულება საჭიროების შემთხვევაში)
- პირადობის მოწმობის ასლი;
- საგადასახადო ორგანოში რეგისტრაციის დოკუმენტი;
- ინვოისები პოტენციური მომწოდებლებისაგან;
- ხელმოწერილი სპეციალური მოწმობები (დანართი დ)

კითვებზე პასუხებს მიიღებთ მათი მიღების რიგითობის მიხედვით საწყისი თარიღის შემდეგ. USAID-ის ზრდა პროექტის კომპეტენტური თანამშრომლები სრულად და ამომწურავად მიაწვდიან ინფორმაციას განმცხადებლებს, ასევე, დახმარებას გაუწევენ განმცხადებლებს განაცხადის შემუშავებაში თხოვნის შესაბამისად.

### ნაწილი III. განაცხადების შეფასება კრიტერიუმების მიხედვით

განაცხადს განიხილავს შიდა შეფასების კომისია, რომლის წევრებიც იქნებიან ზრდა პროექტის ტექნიკური თანამშრომლები; განაცხადი შემოწმდება ქვემოთმოცემულ კრიტერიუმებზე დაყრდნობით და ადგილზე ვიზიტისას ტექნიკური ჯგუფის მიერ მომზადრებული დასკვნის საფუძველზე.

შეფასების კატეგორია	შეფასება
<b>1. ტექნიკური მიდგომა</b>	<b>30</b>
ელ-ენერგიის და საგზაო ინფრასტრუქტურის ხელმისაწვდომობა, საგრანტო განაცხადის სრულყოფილად წარმოდგენა.	30
<b>2. დასაქმება</b>	<b>10</b>
ბენეფიციართა/დასაქმებულთა სავარაუდო რაოდენობა	10
<b>3. ხარჯთეფექტურობა</b>	<b>40</b>
ფერმერის მხრიდან ფინანსური თანამონაწილეობა	30
ფერმერის მხრიდან არაფულადი თანამონაწილეობა	10
<b>4. გამოცდილება</b>	<b>20</b>
სამუშაო გამოცდილება სამაცივრე მეურნეობების ოპერირების კუთხით	20
<b>სულ</b>	<b>100</b>

### ნაწილი IV. ინფორმაცია გრანტის მინიჭებისა და ადმინისტრირების შესახებ

ყველა გრანტი ექვემდებარება საბოლოო მოლაპარაკებას, დაითვლება და გაიცემა ქართულ ლარში.

გრანტის ფარგლებში გაწეული ყველა ხარჯი უნდა იყოს დასაშვები, დათვლადი და გონივრული/მიზანშეწონილი.

წინამდებარე მოთხოვნის გამოქვეყნება და განაცხადის შევსების პროცესში დახმარება არ გულისხმობს ზრდა პროექტის მიერ გრანტის გაცემას ან არ ავალდებულებს მას აპლიკანტების მიერ განაცხადის მომზადებასა და წარდგენაში გაწეული ხარჯების დაფარვას. გარდა ამისა, ზრდა პროექტი უფლებას იტოვებს მიიღოს ან დაიწუნოს ნებისმიერი ან ყველა მიღებული განაცხადი და უფლებამოსილია მოითხოვოს დამატებითი განმარტებები განმცხადებლებისაგან. აპლიკანტებს წერილობით ეცნობებათ მათი განაცხადების თაობაზე მიღებული გადაწყვეტილების შესახებ.